

QVODLIBETARIIS DISPUTATIONIBVS MANE

DISCVTIENDA IN SCHOLIS MEDICORVM DIE IOVIS XIX MAII, MAGISTRO

NICOLAO HENAVLT DOCTORE MEDICO MODERATORE.

An arthritis periodica?

T caput, thorax, abdomen; sic & suos artus patiuntur manes: quorum alij, & hic & illic certamine singulari, alij periodorum reciprocationibus inuadere assueverunt. Verum ut laterum dolores plerique sunt sine pleuritide, sic & plerique sine arthritide dolores exercent articulos. Labotes articulo in squaloribus, lassitudineque *δυσχερής* vix habent quicquam arthritidis, nisi dolorem, quiete vel sola placabilem. Ipsam eandem ementur rheumatismus, repentino impetu, non sensim ut illa, clamoreque dolore ad omnes non modo articulos, verum & ad musculos aduolans, non periodicus nec *φιλυπτός*, nulli attamen parcat ætati. Est verò arthritis articulo in temperies (horum *φλόγῳ* seu febrim dices) *δυσκίνησις*, grauissimoque comitata dolore, desultorio, materiali, periodico.



D huius autem constitutionem duo concurrant necesse est, ipsa nimirum articuli imbecillitas; quæ vel natua est, qualis hereditaria, vel aduentitia, ut quæ praua victus lege, venere nimia, vitæ deside laboreque immodico contracta, quæ tum suscipiendi, tum est reducis morbi causa: humorum præterea orgasmus. Hinc, ut vere & autumno, sic & per plethoras & cacochymias grassantur frequenter arthritides. Expultrix etenim ipsa, tum demum ad opus excitatur, cum aut grauatur multitudo, aut humorum pungitur acrimonia: incitatus verò humor, cum ab alijs ad alias transfluat partes, fortioribus nempe cum à se propellentibus, nusquam potest consistere, donec in partem omnium imbecilliore incidit: inde enim qui retruderetur ad fortiores.



LABENTIS verò humoris ut species forsque non eadem, sic nec una pars huic dedit malo fomitem, extorris enim quilibet humor, omnisque ichor aliàs atque aliàs, in suscipientis articuli cavitatem quæ data pota irruit; decubitu sæpe salutari (sed mercede durâ) prægressi morbi solutione conspicuo: sæpius fluxione, congestione interdum. Etenim plerumque ab hepate atque adeo genere venoso mali labes, imò & ab obstipato corporis habitu; sæpe caput, ventriculus interdum, ut etiam intestina, indidit principium; pars ea etiam cuius sueta restitit vacuatio, cuiusmodi est vterus, vena in sede occlusa. Articulus & ipse demum, cum suum improbe conficiat alimentum, deteriusque excrementum excludat præimpotentia, arthritidis sæpe ipsi sibi constituit principium.



HMORIS idæam detegunt tumoris dolorisque species. Hic eò maior, quò magis est in angustò; præstat adesse tumorem exclusâ, non inclusâ, ex parte materia. Occupantis humoris sedes diuersæ, varia huic morbo indidit nomina: in pede, vnde fere incipit, dicitur podagra, cæteris grauior, diuturnior, curatu difficilior; quæ omnia mitius habent chiragrammæ genu gonagra dicitur; ischias in pixidata cavitare ossis innominati, hæc iuuenes æquè inuadit & senes, quamuis hos mitius, sed diu magis; illos acutius excruciet, sed breuiori tempore, quippe quæ diem non excedat quadragesimum. Vix parcat Eunuchis ac mulieribus puerisque qui minùs pepercere veneri.



ARTHITIDI præcauendæ haud operosa se profert commoditas: curandæ contrà summa usque tardat difficultas. Difficultatem pariunt situs partis profundus, (mitto humoris conditionem) neruosa frigiditas concoquendo, membranosaque densitas resolucendo minùs idoneis: cavitatis demum opportuna magis admittendo, quam dimittendo noxio humori, qui illuc quasi extra caloris confinia dissectus, vix naturæ & artis audit imperio. Sagax verò Medicus, si minùs probâ diætâ profecerit; partium demittentium aberrationes mente contemplatus perspicaci, nonne tempestiuè adhibita venæ sectione, aut balneo, aut catharsi vniuersali aut particulari, vomitu aut diarrhœâ, aut apophlegmatismis, errhinisve, *αλλοιωτικής*, aut denique articulo ipsi roborantibus, aliàs & attenuantibus absorbentibusque adhibitis, reuellendi, deriuandi ac vacuandi gratiâ, atrocis mali facili negotio, præ foribus incipientes obtriuertit ortus: reductusque prurientes feliciter eliminauerit. Quibus prætermisissis haud dubium est, quin omine malo, languidos in artus eat, prætentoue postliminij iure redeat rursus arthritis.

Arthritis ergo periodica.

Asserebat LVDOVICVS ROBILLART Parisinus, Anno à V.P.M.DC.XVI.

DOMINI DOCTORES DISPUTATVRI.

M. Guillelmus du Val P.R.
M. Ioannes AKAKIA.
M. Gaspardus Brayer M.R.

M. Nicolaus Henault Preses.
M. Philbertus Guibert.
M. Ioannes Ponce.

M. Michael Tousain.
M. Guillelmus Lescailion.
M. Petrus Collier.

